



(/)

[Kontakt \(/index.php/kontakt\)](/index.php/kontakt)

[Links \(/index.php/links\)](/index.php/links)

[Impressum \(/index.php/impressum\)](/index.php/impressum)

[gehe zu AN-, ABMELDEN \(/index.php/an-abmelden\)](/index.php/an-abmelden)

Suchen ...

[SeniorBasel \(/index.php\)](/index.php)

[Anlässe \(/index.php/agenda\)](/index.php/agenda)

[Berichte \(/index.php/berichte\)](/index.php/berichte)

[Schaufenster \(https://www.seniorbern.ch/index.php/schaufenster\)](https://www.seniorbern.ch/index.php/schaufenster)

[Forum \(https://www.seniorbasel.ch/index.php/forum\)](https://www.seniorbasel.ch/index.php/forum)



20.02.2021 -- sowe / hri -- Ort: Basel

D` Frau Fasnacht im Corona-Schloof

E paar Gedangge zur Nicht – Fasnacht vo dr Sonja Wäber

**D` Frau Fasnacht im Corona – Schloof
nid nur Basler findes doof.**

E paar Gedangge zur Nicht – Fasnacht

vo dr Sonja Wäber

Wenn`s am Mäntig vieri schloot
d Frau Fasnacht so durch d Schtroosse goht.

seit sie ganz unumwunde
so trischt han ich die Stadt no nie empfunde.

Wenn d Latärne nid tien liechterfunggle
schtöhn au d Müschtertürm im Dungle.

D Tube sinn nid am verdattere
und heggisch umenander flattere.



Kei wunderschöne Räppliräge
wo farbefroh tuet ummeschwäbe.



Trotzdäm tuesch jetzt schnäll no laufe
zum Suter – Begg go Faschtewaie kaufe.



D Mähsuppe am Chuchitisch dehei
choschtet wenigstens nid zwölf Schei.

Di Perle jetzt muesch loose
erwartet vo dir Mimose.

Bringsch anstatt e Primeli hei
macht sie halt e suure Schtei.

D Guggemusig-Inschrümänt tien in der Sunne glänze
sie dörfe alles nur nid schränze.

Mamme Unggle und der Papp
göhn hüt niene ein go schnappe.

D Binggis möchte kreische juble lache
könne keini Schissdräggzügli mache.

Im Schlüssel tuet hüt nüt passiere
kei Druggede und kei intrigiere.

Im Gifhüttli gits das tröschi
statt Mählsuppe Brootwurscht mit Röschi.

Us der Chemie e Basler Duft
liegt in Züri in der Luft.



Me treit troztdäm e Blaggette
das seit d Fasnachts – Etiggette.

Der Tele-Basel-Mister DvW
kasch`au nid im Kohlmann`s gseh

Es isch öppis und au nüt
Schnitzelbängg so ohni Lüüt.

Nägscht Johr isch der Virus überwunde
und d Frau Fasnacht hett is wieder gfunde.

Denn sin mer sicher alli zwäg
für die drei aller-aller-aller schönschte Dääg.

D Zeilereim die tien jetzt sitze
ich hör jetzt uff mit geischesblitze.

Und d Fotografene muess nid nach Kundus
die Objäggt het sie dehei im Fundus.

SW. 2021.



